

Колледж студенттерін колледжішілік есепке алу тәртібі туралы
Жамбыл облысы әкімдігінің білім басқармасы басшысының 28 наурыз
2019 жылғы №152 бұйрығына сәйкес
ЕРЕЖЕ

1. Негізгі ережелер

1.1. Колледж студенттерін колледжішілік есепке алу тәртібі туралы Ереже (бұдан әрі - Ереже) Қазақстан Республикасы Конституциясына, «Білім туралы» Қазақстан Республикасының 2007 жылғы 27 шілдедегі №319 Заңына, Қазақстан Республикасының «Кәмелетке толмағандар арасындағы құқық бұзушылықтардың профилактикасы мен балалардың қадағалаусыз және панасыз қалуының алдын алу туралы» 2004 жылғы 9 шілдедегі №591 Заңына сәйкес әзірленді.

1.2. Қазақстан Республикасының «Кәмелетке толмағандар арасындағы құқық бұзушылықтардың профилактикасы мен балалардың қадағалаусыз және панасыз қалуының алдын алу туралы» Заңына сәйкес, білім беру ұйымдары өз құзіреттері бойынша балалар мен жастардың ассоциалдық мінез-құлқының алдын алу жөніндегі кешенді іс-шараларды іске асыруға қатысады.

1.3. Осы Ереже білім беру ұйымдарында құқық бұзушылықтың алдын алу жұмыстарының сапасын жақсарту үшін объективті шарттарды жасау, білім алушылардың әлеуметтік және құқықтық қорғалуын күшейту мақсатында әзірленді.

2. Колледж студенттерін колледжішілік есепке алу
(профилактикалық есепке алу)

2.1 Колледж студенттерін колледжішілік есепке алу (профилактикалық есепке алу) негіздері төмендегіше:

Төмен «тәуекел» топтары:

1) Сабақ үлгерімінің төмендеуі;

Орта «тәуекел» топтары:

2) Себепсіз сабаққа келмеу немесе жүйелі түрде қатыспау;

3) Колледждің ішкі тәртіп ережесін бұзу және орындамау;

4) Колледж студентінің агрессивті мінез-құлқының болуы.

Жоғары «тәуекел» топтары:

5) Әлеуметтік қауіпті жағдай: қадағалаусыздық пен панасыздық, қаңғыбастыққа салыну, қайыр тілеу;

6) Психоактивті, токсиндік заттарды, спирттік ішімдіктерді тұтыну, темекі шегу.

7) Колледж студентінің өзінен кішілерге, қатарластарына әлімжеттік пен зорлық-зомбылық әрекеттерін жасауы, бопсалау, ақша жинау фактілері;

8) Әкімшілік құқық бұзушылыққа әкеліп соғатын құқық бұзушылықты жасауы.

9) Қылмыстық жауаптылық басталатын жасқа толмауына байланысты немесе психикасының бұзылуына байланысты емес психикалық дамуының кешеуілдеуі салдарынан қылмыстық жауаптылыққа жатпайтын қылмыстық құқық бұзушылық белгілері бар іс-әрекеттер жасаған;

10) Полиция бөлімдерінде есепке алынған;

2.2. Колледж студенттерін колледжішілік есепке алуды тіркеу осы Ереженің 1-қосымшасына сәйкес нысан бойынша жүргізіледі. (Колледж студенттерін колледжішілік есепке алуды тіркеу журналы).

2.3. Колледжішілік есепке алынған колледж студенттеріне қатысты әрекет ету алгоритмі осы Ереженің 2-қосымшасына сәйкес нысан бойынша жүргізіледі.

2.4. Колледж студенттерін колледжішілік есептен шығаруға колледж студенттерінің сабақ үлгерімі мен тәртібінің жақсаруы және осы Ереженің 2.1. тармағының 1), 2), 3), 4), 5), 6), 7), 8), 9), 10) тармақшаларында көзделген негіздердің жойылуы болып табылады.

3. Тұрмысы қолайсыз отбасыларымен профилактикалық жұмыстар жүргізу және есепке алу

3.1. Кәмелетке толмағандарды тәрбиелеу, оқыту, бағып-күту жөніндегі өз міндеттерін орындамайтын және (немесе) олардың мінез-құлқына теріс әсер ететін отбасыларымен (Тұрмысы қолайсыз отбасылары) профилактикалық жұмыстар жүргізу мақсатында олар мектепішілік (колледжішілік) есепке алынады.

3.2. Тұрмысы қолайсыз отбасыларды тіркеу осы Ереженің 3-қосымшасына сәйкес нысан бойынша жүргізіледі. (Тұрмысы қолайсыз отбасыларды тіркеу журналы).

3.3. Колледж студенттері тәрбиеленіп жатқан отбасыларын тұрмысы қолайсыз отбасыларының есебінен шығаруға олардың түзелуі негіз болып табылады.

3.4. Баланың өмір сүру және тәрбиелену жағдайларын зерттеу АКТ негізінде осы Ереженің 4-қосымшасына сәйкес колледжішілік есепке алынған колледж студенттерінің құқықтары мен заңды мүдделерін қорғаудың жеке жоспары жасалады.

3.5. Жеке жоспарды колледждердегі құқық бұзушылықтың алдын жөніндегі кеңестің және мобильді топтардың арнайы бекітілген мүшелері толтырып, орындалуын қамтамасыз етеді.

3.6. Колледждердегі құқық бұзушылықтың алдын алу жөніндегі кеңестің және мобильді топтардың мүшелері арнайы бекітілген кестеге сәйкес есепке алынған кәмелетке толмағандардың мекен-жайлары бойынша ай сайын рейдтік іс-шаралар ұйымдастырады және отбасының қандай көмекке мұқтаж екендігін анықтап, тиісті мекемелерге хат жолдайды.

Девиантты және агрессивті мінез-құлықты, құқық бұзушылық пен қылмыс жасауға бейім жасөспірімдермен профилактикалық жұмыстарды ұйымдастырады.

3.7. Тұрмысы қолайсыз отбасыларына көрсетілген көмектер жөніндегі ақпарат жүйелі түрде ай сайын білім бөлімдеріне ұсынылады.

4. Есепке алуды бақылау және жауапкершілік

4.1. Колледж студенттерін колледжішілік есепке алу (профилактикалық есепке алу) және есептен шығару, сонымен қатар, тұрмысы қолайсыз отбасыларымен профилактикалық жұмыстар жүргізу және есепке алу, есептен шығару, тиісті құжаттарын рәсімдеу білім беру ұйымының бұйрығымен тағайындалатын профилактикалық жұмыстарды ұйымдастыруға жауапты тұлғаның ұсынуы бойынша білім беру ұйымының құқық бұзушылықтың алдын алу жөніндегі кеңестің шешімімен жүзеге асырылады.

4.2. Колледжішілік есепте тұрған жасөспірім басқа колледжге ауысқан немесе техникалық және кәсіптік, ЖОО оқуға түскен жағдайда егер тәртібі түзетілмесе ауысқан мектебіне немесе түскен оқу орнына міндетті түрде 1 апта ішінде хабарланады.

4.3. Осы Ережеге сәйкес тиісті профилактикалық шаралардың жүргізілуін бақылау білім беру ұйымының басшысына жүктеледі.

Директордың тәрбие ісі жөніндегі орынбасары:

А.Б.Сатыбалдиева